

**BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
GRAD CAZIN**

**DOKUMENT OKVIRNOG BUDŽETA GRADA  
CAZINA ZA 2026.-2028. GODINU**

Cazin, juni 2025. godine

## 1. Uvod

U skladu sa Zakonom o Budžetima FBiH (Službene novine FBiH, broj: 102/13, 09/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25) urađen je dokument okvirnog Budžeta Grada Cazina za period od 2026. do 2028. godine (skraćeno DOB) koji služi kao polazna osnova za izradu Nacrta Budžeta za 2026. godinu i koji sadrži procjene Budžeta za 2027. i 2028. godinu.

Dokument okvirnog budžeta (DOB) predstavlja kratkoročnu i srednjoročnu ekonomsku i fiskalnu prognozu za društveno-ekonomsko okruženje, a u okviru kojeg se projicira ekonomski i fiskalni položaj grada u trogodišnjem periodu.

Smjernice ekonomske i fiskalne politike za trogodišnji period sa viših nivoa vlasti (Unsko sanski kanton i FBiH) osnova su za izradu dokumenta okvirnog Budžeta. Zakonom o budžetima u FBiH („Službene novine Federacije BiH“, broj: 102/13, 09/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisan je budžetski kalendar kojim su utvrđeni krajnji rokovi za svaku fazu budžetskog planiranja i kojim je predviđeno da DOB, kao jedinstven dokument, vlada odnosno Gradonačelnik razmatra i usvaja do 30. juna tekuće godine.

Teškoća za primjenu ovako definisanih zakonskih odredbi predstavlja činjenica da su Zakonom o budžetima u FBiH definisane iste procedure i rokovi za pripremu budžetskih dokumenata za sve nivoe vlasti, zatim da se u pripremi navedenih dokumenata treba bazirati na smjernicama ekonomske i fiskalne politike viših nivoa vlasti koje gradovi/općine nemaju u periodu pripreme svojih budžetskih dokumenata, odnosno činjenica da se nisu dostavile smjernice sa viših nivoa vlasti (FBiH, USK) u roku ili se nisu ni dostavile kako je predviđeno Zakonom o Budžetu FBiH odnosno propisanim Budžetskim kalendarom iz navedenog zakona.

Postupak pripreme DOB-a počinje dostavljanjem Instrukcije broj: 1, o načinu i elementima izrade DOB-a koja sadrži: osnovne ekonomske pretpostavke i smjernice za pripremu DOB-a, tabele pregleda prioriteta budžetskih korisnika, te dinamiku i rokove pripreme DOB-a. Na osnovu navedenog člana Zakona o Budžetima u Federaciji BiH, Služba za finansije, računovodstvo i trezor je pristupila izradi Dokumenta okvirnog Budžeta Grada Cazina za period 2026 - 2028. godina. Dana 11.02.2025. godine Služba za finansije, računovodstvo i trezor uputila svim budžetskim korisnicima i službama Grada Cazina **Instrukciju broj: 1** odnosno instrukciju za izradu DOB-a za period 2026 -2028. godine (**akt broj: 02-11-2051/2025 od 11. februara 2025. godine**). Na osnovu navedene instrukcije, a prema odredbama člana 15. Zakona o budžetima u Federaciji BiH budžetski korisnici su **svoje tabele prioriteta sa obrazloženjem trebali dostaviti Službi do 15. aprila 2025. godine.**

Do ostavljenog roka budžetski korisnici Grada Cazina su dostavili svoje prijedloge za izradu DOB-a.

Služba za finansije, računovodstvo i trezor je pristupila izradi DOB-a poštujući rokove propisane Zakonom o budžetima u FBiH na osnovu podataka koji su joj u istom momentu bili na raspolaganju.

Imajući u vidu navedeno, izrada Dokumenta okvirnog Budžeta Grada Cazina za period 2026.- 2028. godine se temelji na slijedećim dokumentima/informacijama:

- Smjernice ekonomske i fiskalne politike Federacije BiH za period 2026-2028. godine (elektronska verzija);
- Smjernice ekonomske i fiskalne politike Unsko-sanskog kantona za period 2026 do 2028. godine (elektronska verzija);
- Projekcija javnih prihoda za 2025. godinu i period 2026-2028. godina (Kantonalno ministarstvo finansija – akt broj: 04 -11-7459 - 2 / 2025 od 10.06. 2025. godine);
- Gender akcioni plan Grada Cazina za period od 2025. do 2028. godine;
- Procjena prihoda za Grad Cazin 2026.-2028. je urađena po osnovu historijskog principa (izvještaja o izvršenju budžeta iz proteklih godina i drugih finansijskih pokazatelja iz proteklih perioda).

Važno je imati u vidu da DOB, kao okvirni dokument za donošenje Budžeta, predstavlja osnovu za planiranje jednogodišnjeg budžeta i nije limitirajući faktor planiranja prihoda i izdataka prilikom donošenja dokumenata Budžeta, ali treba predstavljati gornju granicu rashoda za trogodišnji period prilikom pripreme budžetskih zahtjeva iako je gotovo nemoguće postići identične vrijednosti projiciranih DOB-om i nacrtom, odnosno prijedlogom budžeta.

## 2. SREDNJOROČNE MAKROEKONOMSKE PRETPOSTAVKE I PROGNOZE

Najvažniji faktor uticaja na razvoj u Bosni i Hercegovini u periodu od 2026.godine do 2028.godine osim unutrašnjih kretanja bit će i privredna kretanja u vanjskom okruženju, naročito u zemljama Evropske unije. Pored stabilizacije kretanja uzrokovanih pandemijom Covid-19 došlo je do novih poremećaja i usložnjavanja međunarodnih ekonomskih i političkih prilika usljed događaja u Ukrajini i na Bliskom istoku sa negativnim posljedicama na svjetsku ekonomiju.

Navedeno je već dovelo do rasta cijena i inflatornih kretanja. Vanjsko okruženje ima vrlo veliki uticaj na ekonomiju u Bosni i Hercegovini. U skladu sa najnovijim privrednim kretanjima međunarodne finansijske institucije su značajno korigovale projekcije privrednog rasta za zemlje Evropske unije. Povećanje složenosti vanjske i unutrašnje dinamike faktora privrednog rasta imalo bi značajno negativne posljedice za našu privredu i značajno bi smanjilo potencijalni privredni rast.

Prevazilaženje krize i napredak se može ostvarivati i sa malim i usporenim mjerama, kao što je to slučaj u Bosni i Hercegovini. U slučajevima globalnih kriza naša ekonomija ionako nestabilna i osjetljiva, posebno pokazuje osjetljivost i manju sposobnost prilagođavanja nastalim uslovima, a posljedice traju duže nego u razvijenijim ekonomijama.

Cijene nafte na globalnom tržištu relativno su stabilne i očekuje se da će globalno tržište nafte ostati uravnoteženo uglavnom usljed slabije potražnje za naftom u razvijenim ekonomijama, velike ponude iz SAD i globalnog viška ponude ovog energenta, te je realno očekivati daljnje usporavanje inflacije na globalnom nivou obzirom da je kretanje cijene nafte i drugih energenata najuticajnije na privredna kretanja i na inflaciju. U prethodnoj godini u eurozoni privreda je uglavnom stagnirala sa procjenom rasta od 0,5%, a očekuje se da će godišnji prosječan rast realnog BDP-a u ovom području iznositi 0,6% u 2024.godini, te da će se povećavati za 1,5% u 2025.godini i 1,6% u 2026.godini.

Bosna i Hercegovina se u septembru 2015.godine zajedno sa 192 države članice Ujedinjenih naroda obavezala na provedbu Programa održivog razvoja do 2030.godine, poznate kao Agenda 2030. koja se sastoji od 17 ciljeva održivog razvoja i 169 podciljeva. Prvi korak njenog ostvarenja je izrada Okvira za ciljeve održivog razvoja u zemlji, što je zajednički dokument svih nivoa vlasti koji određuje šire smjerove razvoja kako bi vlasti na svim nivoima u kompletno društvo doprinijelo postizanju ciljeva održivog razvoja.

Na osnovu analize stanja održivog razvoja, uključujući ključne trendove, mogućnosti i prepreke, posebno u kontekstu pristupanja Bosne i Hercegovine Evropskoj uniji, obzirom da smo u decembru 2022.godine stekli status zemlje kandidata, identificirani su smjerovi održivog razvoja u pravcu dobre uprave i upravljanja javnim sektorom, pametnog rasta i razvoja društva jednakih mogućnosti, uz pretpostavku jačanja vladavine prava, borbe protiv korupcije i organiziranog kriminala, te upravljanja migracijama.

Vijeće ministara Bosne i Hercegovine je u martu 2023.godine usvojilo Program ekonomskih reformi (PER BiH 2023-2025) za period od 2023.godine do 2024.godine. kao zemlja kandidat za pristupanje Evropskoj uniji, Bosna i Hercegovina je obavezna svake godine izraditi PER za trogodišnje razdoblje i dostaviti ga Evropskoj komisiji. Program ekonomskih reformi obuhvata srednjoročni makroekonomski okvir i fiskalnu politiku, kao i sveobuhvatan program strukturalnih reformi s ciljem poboljšanja rasta i konkurentnosti zemlje.

Program je fokusiran na 25 reformskih mjera u sklopu strukturalnih reformi koje su prepoznate kao ključne za jačanje konkurentnosti i uklanjanja prepreka privrednom rastu i razvoju Bosne i Hercegovine u sljedeće tri godine. Strukturne reforme uključene u program, prema smjernicama Evropske komisije obuhvataju 13 području, kao što su upravljanje javnim finansijama, zelena tranzicija, digitalna transformacija, poboljšanje poslovnog okruženja i smanjenje sive ekonomije, istraživanje, razvoj i inovacije, reforme u područjima energije, prometa, poljoprivrede, industrije i usluga, obrazovanje i razvoj vještina, zapošljavanje i tržište rada, socijalna briga i inkluzija, te zdravstvena zaštita.

Program ističe tri ključna izazova: povećanje učinkovitosti tržišta rada, poboljšanje poslovnog okruženja kroz saradnju i koordinaciju svih nivoa vlasti, te upravljanje javnim finansijama.

### **Projekcije bruto društvenog proizvoda**

Federalno ministarstvo finansija je putem Kantonalnog ministarstva finansija, dostavilo revidirane projekcije javnih prihoda za 2025.godinu i za period 2026.-2028.godina, u junu 2025.godine. Projekcije su zasnovane na zvaničnim makroekonomskim prognozama Direkcije za ekonomsko planiranje (DEP) iz marta 2025.godine, te prate pretpostavljena kretanja ključnih parametara sa kojima su u korelaciji.

Unatoč izazovima na međunarodnom nivou, kao što su slabljenje globalnog ekonomskog rasta, pojačanih inflatornih pritisaka i rasta kamatnih stopa, u 2024.godini ostvaren je ekonomski rast, koji prema revidiranim podacima DEP-a na nivou Bosne i

Hercegovine iznosi 2,5%. Glavni oslonac ostvarenog ekonomskog rasta bila je domaća tražnja kroz povećanje finalne potrošnje i investicija.

Kako se navodi u analizi DEP-a, trenutno raspoloživi statistički podaci ukazuju na to da se nastavio trend rasta i u 2025.godini, čime bi očekivana stopa ekonomskog rasta na kraju godine iznosila 2,7% sa istim najznačajnijim generatorima rasta kao u prethodnom periodu. Prognoze DEP-a vezane za ključne agregate tržišta rada uzele su u obzir očekivani rast plaća i u privatnom i u javnom sektoru, vezan kako za primjenu Odluke o minimalnoj plaći u Federaciji Bosne i Hercegovine za 2025.godinu, tako i za redovna usklađivanje plaća vezana uz inflatorna kretanja, primjenu kolektivnih ugovora za pojedine grane, zadržavanje deficitarne radne snage i slično. Tako, procijenjena nominalna stopa rasta neto plaće za 2025.godinu iznosi 11%, dok se procjenjuje da bi se rast broja zaposlenih trebao kretati po stopi od 0,9%.

Prilikom izrade revidiranih projekcija prihoda za 2025.godinu uključene su i prve procjene efekata izmjene zakona o doprinosima u Federaciji Bosne i Hercegovine kojima se snižava ukupna stopa doprinosa koji se uplaćuju na teret poslodavca, a iste će se primjenjivati od 01.07.2025.godine i efekti su primijenjeni na one kategorije prihoda koje direktno i indirektno koreliraju sa navedenim izmjenama politika.

Očekivana prosječna godišnja stopa ekonomskog rasta u Bosni i Hercegovini u periodu 2026.-2028.godina bi iznosila 3,1% (2026:3,0%; 2027:3,1%; 2028:3,3%) sa napomenom da je važna odrednica naših ekonomskih kretanja prvenstveno trend ekonomskih kretanja u vanjskom okruženju, posebno u zemljama Europske unije, što se prvenstveno manifestuje kroz trgovinske i finansijske tokove. Slabljenje ekonomskog rasta glavnih trgovinskih partnera dovodi do usporenja naše spoljnotrgovinske razmjene. Kao glavni nosioci rasta prepoznati su ponovo finalna potrošnja i investicije.

Kad govorimo o inflaciji, nakon galopirajućih kretanja u prethodnom periodu u 2024.godini je došlo do stabilizacije cijena sa pretpostavkom nastavka opadajućeg trenda kretanja inflacije u narednom periodu.

Projekcije prihoda od indirektnih poreza bazirane su na srednjoročnom Planu naplate ukupnih prihoda na Jedinственom računu, preuzetom od Odjeljenja za makroekonomsku analizu Upravnog odbora Uprave za indirektno oporezivanje u aprilu 2025.godine. Temeljem srednjoročne prognoze kretanja krajnje potrošnje izvršena je procjena učešća Federacije Bosne i Hercegovine u međuentitetskoj raspodjeli, dok je projekcija raspoloživog dijela ovih prihoda za raspodjelu korisnicima u Federaciji Bosne i Hercegovine po godinama zasnovana na planu otplate vanjskog duga. Pojedinačna alokacija prihoda od indirektnih poreza za kantone i općine, odnosno gradove za 2025.godinu, kao i za srednjoročni period 2026.-2028.godina izvršena je u skladu sa koeficijentima iz Uputstva o određivanju učešća kantona, jedinica lokalne samouprave i nadležnih kantonálnih ustanova za ceste u prihodima od indirektnih poreza i načinu raspoređivanja tih prihoda za 2025.godinu („Službene novine Federacije Bosne i Hercegovine“ broj 75/24).

Revidirane projekcije prihoda od poreza na dohodak zasnovane su na trendovima naplate, uzimajući u obzir efekte povećanja minimalne plaće u 2025. godini, te prve efekte i uticaje izmjene Zakona o doprinosima u Federaciji Bosne i Hercegovine. Prateći srednjoročne pretpostavke ključnih pokazatelja za tržište rada (očekivani rast broja zaposlenih po stopi od 1,2% do 1,5% godišnje i očekivani rast prosječne plaće po stopi od 5,2% do 5,6% godišnje) u periodu 2026.-2028. godina pripremljene su i projekcije ove kategorije prihoda u skladu s tim.

Srednjoročne projekcije javnih prihoda u Federaciji Bosne i Hercegovine prate makroekonomska očekivanja u kretanju faktora s kojima su u značajnoj korelaciji. Kod nekih stavki su uključeni i procijenjeni efekti pojedinih visokih rizika po ostvarenje prognoza.

Dalje kretanje privredne aktivnosti zemlje, kao i u okruženju, zatim usaglašavanje zakonske regulative u oblasti zelene energije u Bosni i Hercegovini sa važećim propisima Europske unije predstavljaće glavnu odrednicu kretanja vanjskotrgovinske razmjene u Bosni i Hercegovini i u Federaciji Bosne i Hercegovine u narednom srednjoročnom periodu.

Očekivana prosječna godišnja stopa ekonomskog rasta u Bosni i Hercegovini u periodu 2026. - 2028. godina iznosi 3,1% (2026: 3,0%, 2027: 3,1% i 2028: 3,3%), a prepoznati glavni nosioci rasta ostaju isti kao i u prethodnim godinama (finalna potrošnja i investicije). Ekonomska kretanja u vanjskom okruženju, posebno zemljama EU27 i dalje čine važnu odrednicu ekonomskih kretanja u Bosni i Hercegovini, koja će se manifestovati kroz trgovinske i finansijske tokove. Tako je, uslijed slabljenja ekonomskog rasta glavnih trgovinskih partnera, tokom protekle dvije godine, došlo do usporenja vanjskotrgovinske razmjene u Bosni i Hercegovini. Iako se, kako je prethodno istaknuto, tokom 2025. godine očekuje oporavak vanjskotrgovinske razmjene, u programskom periodu 2026. – 2028. godina, potreban je ipak krajnji oprez prilikom sačinjavanja prognoza, obzirom da eksterna kretanja predstavljaju važnu odrednicu ukupnih ekonomskih kretanja u Bosni i Hercegovini. Pored eksternih faktora, važnu odrednicu ekonomskog rasta u posmatranom srednjoročnom periodu imati će i interni institucionalni kapacitet za provedbu ključnih strukturalnih reformi.

Makroekonomski pokazatelji za BiH period 2023.-2028.

Indikator	Zvanični podaci	Projekcije				
	2023.	2024.	2025.	2026.	2027.	2028.
Nominalni BDP u mil KM	50.932	53.560	56.568	59.367	62.294	65.553
Nominalni rast u %	11,7	5,2	5,6	4,9	4,9	5,2
BDP deflator (prethodna godina = 100)	109,6	102,6	102,9	101,9	101,7	101,8
Realni BDP u mil KM (prethodna godina = 100)	46.458	52.223	54.998	58.258	61.230	64.362
Realni rast u %	1,9	2,5	2,7	3	3,1	3,3
Inflacija mjerena indeksom potrošačkih cijena u %	6,1	1,7	3	2	1,9	1,8
Potrošnja u mil KM	43.658	45.749	48.053	49.897	51.880	53.673
Realni rast u %	1,3	2,6	2,1	1,8	2	1,5
Vladina potrošnja u mil KM	9.548	10.044	10.426	10.791	11.223	11.615
Realni rast u %	2,1	2,6	1,8	1,7	2,1	1,6
Privatna potrošnja u mil KM	34.111	35.705	37.627	39.106	40.657	42.057
Realni rast u %	1,1	2,6	2,2	1,9	2,0	1,8
Investicije (bruto) u stalna sredstva u mil KM	11.519	12.665	13.475	14.229	15.233	16.402
Realni rast u %	12,1	8,1	4,5	4,1	5,6	6,2
Vladine investicije u mil KM	1.487	1.681	1.798	1.969	2.127	2.339
Realni rast u %	7,6	9,7	3,9	7,2	5,8	7,7
Privatne investicije u mil KM	10.031	10.984	11.676	12.260	13.106	14.063
Realni rast u %	12,8	7,9	4,6	3,7	5,5	5,9
Uvoz u mil KM	27.798	28.761	30.218	31.477	33.127	34.924
Nominalni rast u %	-1,6	3,5	5,1	4,2	5,2	5,4
Realni rast u %	-1,3	2,5	3,6	2,6	3,6	4

Izvoz u mil KM	21.931	21.960	23.097	24.157	25.666	27.429
Nominalni rast u %	-0,5	0,1	5,2	4,6	6,2	6,9
Realni rast u %	-1,2	-1,6	3,4	2,9	4,7	5,3
Nacionalna bruto štednja u % BDP-a	23,4	23,9	24	24,5	24,9	26
Bilans tekućeg računa u mil KM	-1.157	-1.802	-2.063	-2.227	-2.344	-2.337
Rast u %	-42,2	55,8	14,5	8	5,2	-0,3
Bilans tekućeg računa u % BDP-a	-2,3	-3,4	-3,6	-3,8	-3,8	-3,6

IZVOR: DEP - mart 2025.godine

U periodu od 2026. do 2028.godine daljnje kretanje BDP-a Federacije Bosne i Hercegovine najviše će zavisiti od kretanja industrije i vanjske trgovine, a što je opet uslovljeno domaćom i inostranom potražnjom, ekonomskom aktivnošću naših trgovinskih partnera, inflacijom i geopolitičkom situacijom.

Iz tabele je vidljivo da se 2026. godine očekuje rast nominalnog bruto domaćeg proizvoda za 4,9 %, te rast realnog bruto domaćeg proizvoda za 3 %. Također se očekuje rast potrošnje za 1,8%. Dalje, u skladu sa projekcijama 2026. godine uvoz će zabilježiti rast od 4,2% nominalno u odnosu na prethodnu godinu, dok će izvoz također imati rast, tačnije 4,6% nominalno.

## EKONOMSKE I FISKALNE PRETPOSTAVKE I PROGNOZE

Projekcije javnih prihoda za period 2026.- 2028. godina usko su vezane za privredne aktivnosti, te uticaj ključnih makroekonomskih pretpostavki od kojih zavisi razvoj. U Federaciji BiH, javni prihodi po osnovu poreza, taksi, naknada, doprinosa i drugih prihoda ostvaruju se, prikupljaju i raspoređuju prema važećim propisima na teritoriji Federacije Bosne i Hercegovine, a služe za finansiranje funkcija Federacije, kantona, jedinica lokalne samouprave i Upravitelja cesta, te ostalih korisnika javnih prihoda.

Osnovne karakteristike fiskalne politike Federacije Bosne i Hercegovine povezane su sa strateškim pravcima usmjerenim ka postizanju fiskalne održivosti u skladu sa kriterijima Evropske unije. Postizanje fiskalne održivosti podrazumijeva da država mora biti sposobna da dugoročno održi svoju potrošnju, poreze i druge politike bez ugrožavanja solventnosti ili neplaćanja svojih obaveza, a jedan od načina

osnaživanja fiskalne održivosti je postizanje fiskalne konsolidacije, odnosno smanjenja budžetskog deficita i uravnoteženje budžeta usklađivanjem prihoda i rashoda.

Ekonomska i fiskalna politika Bosne i Hercegovine u narednom periodu je definisana u skladu sa zahtjevima kojima je uslovljen proces pridruživanja Evropskoj uniji, u čijem središtu se nalazi održivi razvoj, a ciljevi održivog razvoja su globalni izazov sa kojim se suočava cijeli svijet, a odnose se prije svega na nejednakost, siromaštvo, klimatske promjene, degeneraciju okoliša, prosperitet, mir i pravdu. U skladu sa politikama Europske unije ekonomska politika Federacije Bosne i Hercegovine u srednjoročnom periodu biti će fokusirana na realizaciju ključnog prioriteta koji se odnosi na osiguranje snažne i pravedne ekonomije koja će omogućiti održivi rast, poboljšati životni standard građana i smanjiti socijalne nejednakosti.

Naglasak je na provođenju fiskalne discipline s ciljem smanjenja visine budžetskog deficita svih nivoa vlasti. Fiskalna konsolidacija u Bosni i Hercegovini vršit će se na prihodovnoj, a najviše na rashodovnoj strani budžeta. Ključni prioriteti u narednom srednjoročnom periodu su kreiranje povoljnog poslovnog ambijenta, podsticanje i rast investicija, što će biti podržano većim izdvajanjima za finansiranje infrastrukturnih projekata. Potrebno je i nastaviti sa poduzimanjem mjera na maksimalnoj racionalizaciji troškova javne uprave, odnosno jačanju fiskalne discipline i kontrole budžetske potrošnje.

Strukturu javnih prihoda Grada Cazina čine prihodi po osnovu indirektnih poreza, poreza na dohodak, poreza na imovinu, zatim po osnovu neporeznih prehoda kao što su administrativne, komunalne, posebne naknade i takse i drugi neporeski prihodi, te primljeni tekući i kapitalni transferi iz budžeta viših nivoa vlasti. U strukturi ukupnih prihoda najveće učešće imaju prihodi od indirektnih poreza.

U donošenju DOB-a za period 2026.-2028. godinu, Grad Cazin je uključen putem Kantonalnog ministarstva finansija, na način što je nadležna služba, tj. Služba za finansije, računovodstvo i trezor od Kantonalnog ministarstva finansija dobila Upute za pripremu Tabela pregleda prioriteta budžetskih korisnika za period 2026-2028. godine (Instrukcije 1.) i to:

- **Tabela 3.6. Stvarni i projicirani porezni i neporezni prihodi;**
- **Tabela 4.0. Procjena budžeta po ekonomskoj klasifikaciju;**
- **Tabela 4.1. Konsolidovana (Plate, naknade i broj zaposlenih);**
- **Tabela 3.5. Projekcija prihoda Direkcije za ceste;**
- **Tabela 6.3. Rashodi po funkcijama za period 2026-2028 u mil KM.**

Navedene tabele su izrađene i dostavljene Kantonalnom ministarstvu finansija radi konsolidacije Grada i izrade DOB-a USK-a za period 2026.- 2028. godina, koji se od strane Kantona u skladu s Zakonom o budžetima u Federaciji BiH prosjeđuje Federalnom ministarstvu finansija.

### 3. Prihodi

Ključni faktor za određivanje predloženih prioriteta potrošnje i gornje granice rashoda je projicirani okvir prihoda. Projekcija prihoda data je na bazi postojećih propisa na državnom, federalnom i kantonalnom nivou, kao i općinskih odnosno gradskih odluka.

Prihodi koji se raspoređuju gradu u skladu sa trenutno važećim propisima o pripadnosti javnih prihoda u FBiH planirani su u skladu sa višegodišnjim prosjekom (porez na imovinu, porez na dohodak, cestovne naknade, posebne naknade za zaštitu od prirodnih i drugih nesreća), u skladu sa ostvarenjem u 2024. godini i planom 2025. godine, pri čemu je bitan limitirajući faktor činjenica da Grad Cazin ne raspolaže baznim podacima o obveznicima na osnovu kojih bi mogla pratiti trendove, uspješnost naplate kao i raspodjelu ovih prihoda.

Pregled projekcije prihoda za 2025. - 2028. godinu, te ostvarenja u 2024. godini dat je u slijedećem tabelarnom pregledu:

Općina /grad Cazin						
Vrsta prihoda	Naziv prihoda	Ostvareno	Plan	Projekcija		
		2024	2025	2026	2027	2028
	<b>I. Porezni prihodi</b>	16,718	17,226	18,847	19,743	21,095
717	Prihodi od indirektnih poreza	11,151	11,890	13,140	14,077	14,896
711	Porez na dobit	0,002	0,005	0,006	0,006	0,006
714	Porezi na imovinu	2,498	2,280	2,500	2,459	2,692
716	Porez na dohodak	3,066	3,052	3,200	3,200	3,500
719	Ostali porezi	0,001	0,000	0,001	0,001	0,001
	<b>II. Neporezni prihodi</b>	6,384	16,121	17,220	17,220	17,340
721	prihodi od poduzetničkih akt. i imovine	0,109	0,125	0,120	0,120	0,140
722	Naknade i takse, vlastiti prihodi	6,266	15,791	17,000	17,000	17,000
723	Novčane kazne	0,009	0,205	0,100	0,100	0,200
	<b>III. Tekući transferi</b>	6,163	13,278	11,505	11,110	11,215
732	Tekući transferi	4,104	4,858	6,495	6,500	6,600
733	Donacije	0,009	0,010	0,010	0,010	0,015
742	Kapitalni transferi	2,050	8,409	5,000	4,600	4,600
	<b>UKUPNO PRIHODI (I+II+III)</b>	29,265	46,625	47,572	48,073	49,650
81	<b>KAPITALNI PRIMICI</b>	0,280	0,500	1,500	2,000	2,300
811	od prodaje stalnih sredstva	0,280	0,500	1,500	2,000	2,300
813	od finansijske imovine	0,000	0,000	0,000	0,000	0,000
814	od dugoročnog zaduživanja	0,000	0,000	0,000	0,000	0,000
815	od kratkoročnog zaduživanja	0,000	0,000	0,000	0,000	0,000
	<b>UKUPNO PRIHODI I PRIMICI</b>	29,545	47,125	49,072	50,073	51,950
	Prihodi od indirektnih poreza -dc	1,754	1,800	1,900	1,950	1,950
	<b>SVEUKUPNO</b>	<b>31,299</b>	<b>48,925</b>	<b>50,972</b>	<b>52,023</b>	<b>53,900</b>

## a) Prihodi od indirektnih poreza

Prihodi prikupljeni po osnovu ovih poreza uplaćuju se na Jedinštveni račun Uprave za indirektno oporezivanje BiH, a raspodjela se vrši na sljedeći način:

- prvo se izdvajaju sredstva na račun rezervi,
- zatim sredstva za finansiranje Institucija BiH,
- ostatak prihoda se raspoređuje FBiH, RS-u i Brčko Distriktu, u skladu sa prethodno utvrđenom formulom koju utvrđuje Upravni odbor Uprave za indirektno oporezivanje BiH,

- iz entitetskih udjela se izdvajaju sredstva potrebna za finansiranje vanjskog duga (na osnovu učešća entiteta u vanjskom dugu, a uplaćuju se direktno budžetu Institucija BiH).

Prema Zakonu o pripadnosti javnih prihoda u FBiH ("Službene novine FBiH" broj: 22/06, 43/08, 22/09, 35/14, 94/15 i 17/22), prihodi od indirektnih poreza se dalje raspodjeljuju između: Federacije (36,20%), kantona (51,23%), lokalnih samouprava (8,42%), Upravitelja cesta (3,90%) i Grada Sarajeva (0,25%).

Projekcije prihoda od indirektnih poreza bazirane su na srednjoročnom Planu naplate ukupnih prihoda na Jedinštvenom računu, preuzetom od strane Odjeljenja za makroekonomsku analizu Upravnog odbora Uprave za indirektno oporezivanje (OMA) u aprilu 2025. godine. Nadalje, izvršena je procjena učešća Federacije BiH u međuentiteskoj raspodjeli, dok je projekcija raspoloživog dijela ovih prihoda za raspodjelu korisnicima u Federaciji BiH po godinama, zasnovana i na godišnjem planu otplate vanjskog duga. Pojedinačna alokacija prihoda od indirektnih poreza za kantone i općine/gradove za 2025. godinu, kao i za srednjoročni period 2026. - 2028. godina izvršena je u skladu sa koeficijentima iz Uputstva o određivanju učešća kantona, jedinica lokalne samouprave i nadležnih kantonalnih ustanova za ceste u prihodima od indirektnih poreza i načinu raspoređivanja tih prihoda za 2025. godinu („Službene novine Federacije BiH", broj: 75/24).

Prema revidiranim projekcijama prihoda koje je izradilo Federalno ministarstvo finansija, u Gradu Cazin su projicirani prihodi od indirektnih poreza u iznosu od 12,136 mil. KM za 2025. godinu, za 2026. godinu 13,140 mil. KM, za 2027 godinu 14,076 mil. KM i 2028. godinu 14,895 mil. KM.

Ostvarenje ove vrste prihoda u periodu od 2025. do 2028. godine, data je u slijedećem tabelarnom pregledu:

### Revidirane projekcije prihoda sa Jedinštvenog računa (PDV)

	2025	2026	2027	2028
Projekcije prihoda sa Jedinštvenog računa	285.042.169	308.621.054	330.611.183	349.851.017
Ostvarenje/Plan Cazin	12.136.403	13.14.335	14.076.621	14.895.806

**Tabela 3.5: Projekcija prihoda Direkcije za ceste**

Konto	Prihodi i finansiranje (u Miliona KM)	Ostvareno	Revidirana procjena	Projekcija		
		2024	2025	2026	2027	2028
	<b>UKUPNO PRIHODI</b>	2,467	2,980	2,900	2,950	3,050
717000	Prihodi od indirektnih poreza	1,754	1,800	1,900	1,950	1,950
721214	GSM licenca	0,000	0,000	0,000	0,000	0,000
722530	Naknade za korištenje puteva	0,713	1,180	1,000	1,000	1,100

Navedene projekcije, urađene su prema metodologiji utvrđenoj Zakonom o pripadnosti javnih prihoda u Federaciji BiH i na bazi statističkih podataka, odnosno baziraju se na Uputstvu o određivanju učešća kantona, jedinica lokalne samouprave i nadležnih kantonalnih ustanova za ceste u prihodima od indirektnih poreza i načinu raspoređivanja tih prihoda, tekućim trendovima naplate i kretanjima makroekonomskih pokazatelja Direkcije za ekonomsko planiranje.

Zakonom o pripadnosti javnih prihoda u Federaciji Bosne i Hercegovine je detaljno regulisana raspodjela prihoda od indirektnih poreza između Federacije, kantona, jedinica lokalne samouprave i direkcije za ceste, te ugrađene mjere koje se odnose na postepeno uvođenje novog modela raspodjele prihoda po osnovu indirektnih poreza između svih nivoa vlasti i Federacije BiH. Za projekcije prihoda za kantonalni i općinski nivo vlasti koristi se metodologija raspodjele sa Jedininstvenog računa, a u zavisnosti od troškova finansiranja države i utvrđenoj visini plana otplate spoljnog duga.

Zbog nepoznanice o konačnim izdvajanjima za finansiranje BH institucija, kao i konačnog povrata poreza u cilju poravnanja koje još uvijek nije konačno projicirani prihodi mogu biti u odstupanju od predviđenog ekonomskog rasta (npr. promjene porezne politike, odsustva stabilnih koeficijenata raspodjele indirektnih poreza, promjene nivoa zaduženosti BiH i dr).

### **Prihodi od direktnih poreza**

Projekcija prihoda od poreza na dohodak u kontekstu Zakona o porezu na dohodak čija je primjena započela od 01.01.2009.godine, urađena je u skladu sa usvojenom praksom iz prethodnih godina i do sada korištenom metodologijom izrade DOB-a.

U okviru reforme poreznog sistema u BiH donesen je i Zakon o porezu na dohodak („Službene novine FBiH“ broj 10/08, 9/10, 44/11, 7/13 i 65/13), s kojim je regulisano oporezivanje dohotka fizičkih lica, a zamijenio je dosadašnji neujednačeni

način oporezivanja ovih prihoda na osnovu Federalnih propisa (Zakon o porezu na plaću „Službene novine FBiH“ broj 26/96, 27/97, 12/98, 29/00, 54/00, 16/01, 7/02, 27/02 i 6/04), te Kantonalnih propisa (Zakon o porezima USK-a „Službeni glasnik USK-a“ broj 9/99, 8/00 i 3/07) i time se napravio još jedan korak prema modernizaciji porezne politike i uspostavljanja jedinstvenog prostora BiH. Isti se počeo primjenjivati od 01.01.2009.godine. Porez na dohodak se prema odredbama Zakona o pripadnosti javnih prihoda u Federaciji Bosne i Hercegovine raspoređuje između kantona i grada u omjeru 65,54 prema 34,46 %.

Također, i kod ove vrste prihoda je procjena ipak urađena daleko restriktivnije u odnosu na ostvarenja u prethodnom periodu, te su uzete u obzir projekcije dobijene od viših nivoa vlasti.

Ostvarenje ove vrste prihoda data je u slijedećem tabelarnom pregledu:

**Tabela: Projekcije prihoda**

Projekcije prihoda	2025	2026	2027	2028
Porez na dohodak gradovi/općine	19.748.461	20.935.100	22.213.715	23.592.294

Poreze građana čine porez na imovinu, porez na nasljeđa i poklone, te porez na promet nepokretnosti i prava. Ove poreze ne tretira Zakon o porezu na dohodak, a ocjena istih je izvršena u skladu sa postojećim kantonalnim propisima, te na osnovu ostvarenja u prethodnom periodu.

U skladu sa gore navedenim propisima, ova vrsta prihoda gradovima pripada u 100 %-tnom iznosu.

#### **b) Neporezni prihodi**

Neporezne prihode čine naknade, takse i novčane kazne. U neporeznim prihodima najveće učešće imaju naknade i takse, zatim naknade za korištenje građevinskog zemljišta i slično.

Neporezni prihodi zavise od općinske politike te se u skladu s tim i planira njihovo izvršenje.

Projekcije prihoda	2025	2026	2027	2028
Neporezni prihodi (mil.)	16.121	17.220	17.220	17.340

#### **c) tekuće potpore (grantovi)**

Treću vrstu prihoda u Budžetu Grada Cazin čine primici uplaćeni od strane drugih nivoa vlasti. Ovdje se radi o prihodima čija se procjena vrši na osnovu ostvarenja u prethodnom periodu.

#### 4. STRUKTURA RASHODA ZA PERIOD OD TRI GODINE (srednjoročni okvir rashoda)

U ovom poglavlju su sažeta glavna pitanja iz oblasti i upravljanja javnim sredstvima i budžetske reforme u BiH. Ovo poglavlje se zasebno fokusira na plate u javnom sektoru, materijalne troškove, kapitalne izdatke i transfere.

Na osnovu ove analize urađene su projekcije budžetske potrošnje po ekonomskim kategorijama za period 2026. - 2028. godine.

4.0. Tabela mil. KM	Ostvareno	Plan	Projekcije		
	2024	2025	2026	2027	2028
<b>UKUPNI RASHODI</b>	27,125	37,506	33,772	34,650	36,100
Ukupni troškovi plata	10,200	12,133	11,000	11,000	11,300
Plate	7,221	8,763	7,500	7,500	7,600
Naknade	2,129	2,347	2,500	2,500	2,600
Doprinosi	0,850	1,023	1,000	1,000	1,100
Izdaci za materijal i usluge	8,581	15,039	11,500	12,300	12,500
Transferi	7,196	8,242	9,300	9,300	10,000
Transfer drugim nivoima vlasti	0,000	0,000	0,000	0,000	0,000
Transferi pojedincima	3,504	3,879	4,500	4,500	4,700
Grantovi neprofitnim organizacijama	1,387	1,537	1,700	1,600	1,900
Subvencije JP	1,837	2,126	2,000	2,100	2,200
Ostali transferi	0,468	0,700	1,100	1,100	1,200
Kapitalni grantovi	0,876	1,859	1,672	1,750	2,000
Izdaci za kamate	0,272	0,233	0,300	0,300	0,300
<b>Kapitalni izdaci</b>	<b>9,377</b>	<b>24,536</b>	<b>17,200</b>	<b>17,373</b>	<b>17,800</b>
Nabavka stalnih sredstava	7,763	22,802	15,400	15,573	16,000
Izdaci za finansijsku imovinu - sud	0,000	0,000	0,000	0,000	0,000
Izdaci za oplatu duga	1,614	1,735	1,800	1,800	1,800
<b>UKUPNI RASHODI I IZDACI</b>	<b>36,502</b>	<b>62,042</b>	<b>50,972</b>	<b>52,023</b>	<b>53,900</b>

## Plaće u javnom sektoru

U 2024. godini planirana je potrošnja za plaće (plaće, naknade i doprinosi) u iznosu od 10,200 mil. KM, dok je u 2025. planirano 12,133 mil KM, u 2026. planirano je 11,000 mil KM, u 2027. godini planiran je iznos od 11,00 mil. KM i u 2028. godini 11,300 mil KM.

Ukupan broj zaposlenih u javnom sektoru koji se finansira iz gradskog Budžeta u 2024. godini je 262 zaposlenih, u 2025. godini 265 a u periodu od 2026. - 2028. godine 267 zaposlenih.

Tabela 4.1: Konsolidovana (plate, naknade i broj zaposlenih)

	Ostvareno	Plan	Prognoza		
	2024	2025	2026	2027	2028
	Mil KM	Mil KM	Mil KM	Mil KM	Mil KM
<b>Vlada kantona</b>					
Ukupno plate, naknade i doprinosi	0,00	0,00	0,00	0,00	0,00
Ukupan broj zaposlenih	0,00	0,00	0,00	0,00	0,00
Prosječna plata	0,00	0,00	0,00	0,00	0,00
<b>Opštinske vlasti</b>	0,00	0,00	0,00	0,00	0,00
Ukupno plate, naknade i doprinosi	10,200	12,133	11,000	11,000	11,300
Ukupan broj zaposlenih	262	265	267	267	267
Prosječna plata	0,039	0,046	0,041	0,041	0,042
<b>Vanbudžetski fondovi</b>	0,00	0,00	0,00	0,00	0,00
Ukupno plate, naknade i doprinosi	0,00	0,00	0,00	0,00	0,00
Ukupan broj zaposlenih	0,00	0,00	0,00	0,00	0,00
Prosječna plata	0,00	0,00	0,00	0,00	0,00
<b>Ukupno - plate i broj osoblja</b>	0,00	0,00	0,00	0,00	0,00
Ukupno plate	0,00	0,00	0,00	0,00	0,00
Ukupno zaposlenih u javnom sektoru	0,00	0,00	0,00	0,00	0,00
Prosječna plata	0,00	0,00	0,00	0,00	0,00

## **Kapitalna potrošnja za period tri godine**

Gradsko vijeće Cazin je usvojilo Plan kapitalnih investicija za period 2025- 2027. godina („Službene novine Grada Cazina“, broj: 1/25).

Kapitalnu potrošnju predstavljaju uglavnom projekti koji se realiziraju putem JU „Komunalno-stambeni fond“ Cazin, te kroz Program obavljanja djelatnosti zajedničke komunalne potrošnje, Program uređenja gradskog građevinskog zemljišta, Program održavanja, zaštite, rekonstrukcije i izgradnje lokalnih cesta, gradskih ulica i nerazvrstanih cesta, te Program uređenja i održavanja vodotoka i drugih voda, izgradnje, rekonstrukcije i održavanje vodnih objekata.

Također u okviru kapitalnih izdataka su planirani i kapitalni transferi, izdaci za kamatu i otplatu duga po osnovu kreditnog zaduživanja, te sredstva za nabavku stalnih sredstava za rad organa uprave.

Javno preduzeće za kojeg su date garancije Grada Cazina je JKP Vodovod doo Cazin i za isto uz DOB prilažemo trogodišnji plan JKP Vodovod doo Cazin.

## **5. BUDŽETSKI PRIORITETI ZA PERIOD 2026.-2028. GODINE**

Budžet predstavlja sredstvo putem kojeg se strateški ciljevi grad provode u usluge, programe i aktivnosti koje su usmjerene ka ispunjenju socijalnih i ekonomskih potreba građana.

U početnoj fazi donošenja Budžeta od budžetskih korisnika se traži da Službi za finansije dostave svoje preglede prioriteta (Instrukcije 1) na način što svoje programske aktivnosti iskazuju na tabelama prioriteta.

Služba za finansije, računovodstvo i trezor je uradila pregled rashoda – potrošnje budžetskih korisnika po funkcionalnoj klasifikaciji (COFOG) po kojoj se iskazuju rashodi po funkcionalnoj namjeni za određenu oblast i nezavisna je od organizacije koja tu funkciju provodi.

Priprema prioriteta tabela omogućava budžetskim korisnicima da učestvuju u DOB-u tako što će navesti svoje ključne prioritete za dodjelu resursa u skladu sa Srednjoročnom razvojnom strategijom (SRS) i drugim strateškim dokumentom kojim se definiraju sektorski prioriteta usvojeni od strane Vlade, odnosno Gradonačelnika.

Obzirom da zahtjevi budžetskih korisnika uglavnom nadmašuju raspoloživa sredstva, vrlo je bitno da se svi korisnici pridržavaju uputa iz Instrukcija br. 1 ukoliko žele da njihovi zahtjevi budu razmotreni od strane Gradonačelnika. Osim toga važno je da su zahtjevi detaljno obrazloženi, kako bi Gradonačelnik imao dovoljno informacija da uporedi konkurentne zahtjeve za sredstvima.

Eventualna kreditna zaduženja bit će, u skladu sa propisima, definirana godišnjim odlukama o izvršenju budžeta. Određeni broj strateških projekata koje su kandidovale službe, kao što je već konstatovano, zahtjevaju značajna finansijska sredstva koja nije moguće podržati planiranim tekućim općim prihodima.

**Tabela 6.3. Rashodi po funkcijama za period  
2025-2027. godina u milionima KM**

Sektor/funkcija	Izvršenje	Plan	Projekcije						Inde x 9/7
	2023	2024	Index 3/2	2025	Index 5/3	2026	Index 7/5	2027	
	2	3	4	5	6	7	8	9	9
<b>UKUPNI RASHODI</b>	<b>31,070</b>	<b>64,234</b>	<b>2,067</b>	<b>47,595</b>	<b>0,741</b>	<b>50,381</b>	<b>1,059</b>	<b>51,323</b>	<b>1,019</b>
<b>Opšte javne usluge</b>	<b>11,416</b>	<b>15,269</b>	<b>1,338</b>	<b>13,000</b>	<b>0,851</b>	<b>14,000</b>	<b>1,077</b>	<b>14,200</b>	<b>1,014</b>
01 Opšte javne usluge	11,416	15,269	1,338	13,000	0,851	14,000	1,077	14,200	1,014
02 Odbrana	0,000	0,000		0,000		0,000		0,000	
022 Civilna odbrana	0,000	0,000		0,000		0,000		0,000	
03 Javni red i sigurnost	0,000	0,000		0,000	0,000	0,000		0,000	
031 Policijske usluge	0,000	0,000		0,000		0,000		0,000	
033 Sudovi	0,000	0,000		0,000		0,000		0,000	
<b>04 Ekonomski poslovi</b>	<b>1,219</b>	<b>1,914</b>	<b>1,570</b>	<b>2,300</b>	<b>1,202</b>	<b>2,220</b>	<b>0,965</b>	<b>2,700</b>	<b>1,216</b>
041 Opći ekonomski, komercijalni i poslovi po pitanju rada	0,000	0,000		0,000		0,000		0,000	
042 Poljoprivreda, šumarstvo, lov i ribolov	0,808	0,830	1,028	1,200	1,446	1,120	0,933	1,500	1,339
043 Gorivo i energija	0,000	0,000		0,000		0,000		0,000	
044 Rudarstvo, proizvodnja i izgradnja	0,000	0,000		0,000		0,000		0,000	
045/046 Transport	0,000	0,000		0,000		0,000		0,000	
049 Ekonomski poslovi n.k.	0,412	1,084	2,633	1,100	1,015	1,100	1,000	1,200	1,091
<b>05 Zaštita životne sredine</b>	<b>0,000</b>	<b>0,000</b>		<b>0,000</b>		<b>0,000</b>		<b>0,000</b>	
051 Upravljanje otpadom	0,000	0,000		0,000		0,000		0,000	
052 Upravljanje otpadnim vodama	0,000	0,000		0,000		0,000		0,000	
056 Zaštita životne sredine n. k.	0,000	0,000		0,000		0,000		0,000	
<b>06 Stambeni i zajednički poslovi</b>	<b>10,061</b>	<b>38,569</b>	<b>3,833</b>	<b>24,000</b>	<b>0,622</b>	<b>26,041</b>	<b>1,085</b>	<b>26,100</b>	<b>1,002</b>
<b>07 Zdravstvo</b>	<b>0,000</b>	<b>0,000</b>		<b>0,000</b>		<b>0,000</b>		<b>0,000</b>	
073 Bolničke usluge	0,000	0,000		0,000		0,000		0,000	
<b>08 Rekreacija, kultura i religija</b>	<b>2,992</b>	<b>4,094</b>	<b>1,368</b>	<b>4,120</b>	<b>1,006</b>	<b>4,120</b>	<b>1,000</b>	<b>4,123</b>	<b>1,001</b>
081 Usluge sporta i rekreacije	1,028	1,319	1,282	1,500	1,138	1,500	1,000	1,500	1,000
082 Usluge kulture	1,916	2,680	1,399	2,500	0,933	2,500	1,000	2,500	1,000
084 Religijske i druge značajne uloge	0,038	0,065	1,711	0,090	1,385	0,090	1,000	0,095	1,056
086 Rekreacija, kultura i religija n. k.	0,010	0,030	3,000	0,030	1,000	0,030	1,000	0,028	0,933
<b>09 Obrazovanje</b>	<b>0,000</b>	<b>0,000</b>		<b>0,000</b>	<b>0,000</b>	<b>0,000</b>		<b>0,000</b>	
091 Predškolsko i osnovno obrazovanje	0,000	0,000		0,000		0,000		0,000	
092 Srednje obrazovanje	0,000	0,000		0,000		0,000		0,000	
094 Visoko obrazovanje	0,000	0,000		0,000		0,000		0,000	
098 Obrazovanje n. k.	0,000	0,000		0,000		0,000		0,000	
<b>10 Socijalna zaštita</b>	<b>5,382</b>	<b>4,389</b>	<b>0,815</b>	<b>4,175</b>	<b>0,951</b>	<b>4,000</b>	<b>0,958</b>	<b>4,200</b>	<b>1,050</b>
101 Bolest i hendikepiranost	0,000	0,000		0,000		0,000		0,000	
102 Starost	0,000	0,000		0,000		0,000		0,000	
103 Nasljednici	0,000	0,000		0,000		0,000		0,000	
104 Porodica i djeca	0,000	0,000		0,000		0,000		0,000	
105 Nezaposlenost	0,000	0,000		0,000		0,000		0,000	
106 Stanovanje	0,000	0,000		0,000		0,000		0,000	
109 Socijalna zaštita n. k.	5,382	4,389	0,815	4,175	0,951	4,000	0,958	4,200	1,050
<b>Ostala potrošnja</b>	<b>0,000</b>	<b>0,000</b>		<b>0,000</b>		<b>0,000</b>		<b>0,000</b>	

Kroz pripremu ovih tabela budžetski korisnici navode prijedloge za svoje visokoprioritetne programe potrošnje, kao i opcije ušteda od programa koji imaju niži prioritet ili se ne odvijaju očekivanim tokom, sa kojim bi se sredstva mogla preusmjeriti na programe višeg prioriteta u skladu sa sektorskim prioritetima navedenim u Srednjoročnoj razvojnoj strategiji.

Bitno je još istaći i napomenuti da sam naziv Dokument okvirnog budžeta (DOB), govori da je ovo okvir u kojem će se kretati procesi kojima upravlja Grad Cazin u naredne tri godine, te da je obaveza svake godine Dokument okvirnog budžeta ažurirati i prilagođavati novonastalim situacijama koje iz današnje perspektive nije moguće sagledati. Znači, Dokument Okvirnog Budžeta za period 2026 – 2028. godinu Grada Cazina, prikazan je kroz procjene prihoda i izdataka za 2026, 2027 i 2028. godinu, s tim da se procjene mogu revidirati u dvije naredne godine.

U skladu sa članom 18. Zakona o budžetima u Federaciji Bosne i Hercegovine („Sl.novine Federacije BiH“, br. 102/13, 9/14, 13/14, 8/15, 9/15, 102/15, 104/16, 5/18, 11/19, 99/19, 25a/22 i 7/25 ) nakon usvajanja od strane Gradonačelnika, ovaj dokument objavljuje se na web stranici Grada Cazina i dostavlja Gradskom vijeću Cazina u vidu informacije.

Prilog:

- Trogodišnji plan JP Vodovod doo Cazin

Obrađivač:

Služba za finansije, računovodstvo i trezor

Stručni savjetnik za planiranje i izvršavanje budžeta

Samira Hadžić, dipl. oec

*Samira Hadžić*  
Pomoćnik gradonačelnika

mr. Ismet Đuzelić

Broj: 02 -11-2051/2025

Datum: 18. juni 2025 .godine



*[Signature]*  
GRADONAČELNIK  
mr. Nermin Ogršević